

鄒

氏

學

脉

經氏學脉引

先儒曰切脉可以體仁夫四肢百體何與於脉而切脉可以知其病以是知百體四肢皆一氣之所流貫而脉則所從候氣者也醫書以手足痿痺爲不仁不仁者氣不貫也人之爲人者氣而通天下萬世皆一氣之所貫故語下學而玄上達氣不通於上其脉沉而滯

語上達而淺下學氣不貫於下其脉虛而浮  
此兩者皆謂之不仁孔氏宗仁而伯魚之詩  
禮子思之中庸皆不失下學上達之宗故天  
下謂孔氏一脉吾邑中鄒氏祖曲阜宗會稽  
曾稽之良知肇自孟氏孟氏心氣不二遙遙  
貫一家法故言良知必證之孝敬其血脉相  
承可識已鄒氏三世同仁其大指具子子氏

所刻語錄中王大常先生復闡明之予無容  
贊一詞第願世學者卑之無色取而違仁高  
之無証空而畧行則世道之賴於吾儕者多  
矣此固子予氏丕闡謨烈開啓後學之本意  
亦其仁脉隱隱動於中而不能自己者也  
萬曆戊申孟夏邑後學劉元卿拜書

夫學之爲脉其若人之血脉乎父子  
祖孫下逮聖賢仍來耳一派流傳乃稱正  
脉一弗續而以支流嗣正脉矣夫學以  
心爲脉也真心本體人具之此心爲此  
真體也所謂此所脩此自克舜而周  
孔而濬洛聖賢相承心心印靡他徑也  
克世誦法孔子積仁累行以用爲家

至我高父父易齋夫子始儒顯焉  
于孝友清共于宦義所著子易齋集  
秣臺奏議志在事業錄屬以才志遠散  
逸世傳夷考家謨所載畧曰人生一世  
如輕塵棲弱艸苟不立節以義是名  
生足吾人惟常要推束嚴整則不輕  
以放肆常為惺法則自然成就規矩

不可形頂上敬之一字嗚呼豈非孔氏正  
脉哉篤生我王夫子於壯大受學于王文  
成深矣取知宗旨躬踐而於諸之我  
祖我父世守此脉固敢失墜以故費為  
論議臺高於正躬心學是聞以繼往而  
開來先後一揅之異學故無兼說也  
通譚學出往之經決裂大失其脉稍

窺影響都矜妙悟而行或不推其要也  
流乃泥滯而脉以爲專事推飭自擬  
實備而見或弗徼其要也流者爲之義  
襲而脉以離夫心而可爲且離乎滯且離  
寧悟正學乎衮賦性顓愚弱冠失怙  
憶先子永訣時無他語第令常讀先  
先莊年譜是訓是行衮奉命惟謹已



東學 東學

塘南王先生語以懷性語以情行且激以家  
學之術可其則益憤然知素履修期無悖  
父師訓歲庚子夜夢先子課以由仁義邪  
非行仁義題寢而羞乃會手錄之於警  
語名曰鄒氏學脉用以自勵間以白王父王父  
喜曰小子知依附名理乃省及此耶嗣自今引

之勿替是生若夫小子勉之因命亟梓以傳  
會哀以應試川弗及也亡何王父病且弗  
祿且嗟遂言在耳而忍負之居常鯁  
矢以未竟餘生猛自奮迨求明此學乃全  
歸計且以報我祖父地下哀手是編請校于  
王先生之言首簡錄諸木夫學心學也匪修  
不為悟匪悟不為修斯顯微些內外是文派

非正脈也則是隔也直衣不象一人學脈哉  
即堯舜以來相傳一脈不舛是夫衣不敢自  
私而公之人異以自我祖父之動一懸一明道贊  
人至意且見所學之正也漢是編也倘因是  
以求堯舜以來相傳一脈而恪守之以待後  
之與予者毋為異說所眩以自外於正脈則我  
祖父慰藉深矣

鄒文壯公曾孫袞百拜謹書

劉氏學脉卷之一

東廓先生要語

門人

劉氏學脉述

志於富貴則敗度敗禮不足以語功名志於功名則  
求可求成不足以語道德志於道德則居廣居立  
正位行大道達則爲伊周窮則爲顏閔何嘗無功  
名何嘗不富貴富貴不由於道德則墮間醉飽祇  
爲妻妾之泣功名不出於道德雖一匡功烈童子  
且耻稱之故學者莫先於辨志

古人以心體得失爲吉凶今人以外物得失爲吉凶

作德日休作僞日拙方見影響不爽奉身外物事  
事整飭而自家身心先就破蕩不祥莫大焉故脫  
太凡近以游高明不求人知不求同俗乃是考亭  
喚醒來學趨避關頭

爲善而舜爲利而蹠一念跬步便是萬里程途今以  
舜爲師則蹠狀不敢當以蹠爲歸又蹠狀不肯當  
不舜不蹠中間豈有駐足處

爭名奪利疲精瘁神以驚朝市如蝸牛升壁涎枯而  
不知止志道據德歛聰收明以慎屋漏如虬龍藏

淵芳餌不能動故善學者愛其身以爲萬物之主  
不善學者輕其身以爲萬物之役

明明德于天下吾儕自省有此願欲否發育萬物與  
天地參吾儕自省爲性分內事否

吾儕之學以天地萬物爲一體也一體之間心腹至  
髮膚兼所養何處下刀割之使小故纔讓第一等  
與人於範圍曲成體段多少分裂學詩學文皆學  
也以道爲志乃是第一等學術詩人文人皆人也  
以聖爲志乃是第一等人品

秉彝之良孰不欲敏事做箇孝弟人孰不欲慎言做  
箇忠信人孰不欲親師取友做箇有道義人只被  
求飽求安念頭壞了一生故士而懷居與耻惡衣  
惡食直斥以未足與議塵諸門牆之外

人生精神命脉箇箇具足但人聞仁義出見紛華東  
奔西驚疲精竭神兩無所就譬如兩頭蛇未得須  
臾寧靜而畢竟不能千里須是專心致志無以小  
害大無以賤害貴若大鵬之圖南息以六月而扶  
搖萬里其孰能禦之



習俗纏繞擺脫不去只是此志不立之病誠使翦棘  
之念如焚如炙則種種纏繞立可廓清試看人在  
焚炙中能忍須臾不求擺脫乎吾心本體原自弘  
大自剛毅故仁以爲己任死而後已更無虧漏更  
無止息方是宇宙間大志量人

孟氏之論丈夫則有三品矣居廣居立正位行大道  
鼎鼎然一鎗達而齊得喪命之曰大人能諫於君  
出能輕於爵祿而必信必果不免于悻悻命之曰  
小管管壟斷左右罔利以爲子孫計而不恤其躬

命之曰賤二三子之切磋于斯也其爲大爲小爲賤必居一於此矣

千金之璧襲而納諸櫝出入惴惴持之恐其毀缺無他愛之也至于身奚啻千金哉而徃徃輕用之若不自惜噫嘻其弗思矣

允陰易度習俗易溺非愛重其身以例爰千古自期安能有濟

吾輩質本不劣才本不疎只患志小器隘不肯直下擔當任重道遠耳

宇宙人品代不乏才文章行檢政事節義表表稱述  
至全生全歸往往退縮于古檐子非賁育其誰任  
之

世界安能磨人人自磨世界耳薰風吹林薈蔚不能  
障杲日當空江湖不能浸矧靈于萬物者乃被榮  
華拂鬱磨殺耶故善學者以拂鬱爲玉成不善學  
者以榮華爲桎梏

凡近高明孰爲歸宿同俗同理孰爲決擇嬰兒巨人  
孰爲榮辱一皆萬世孰爲夭壽

位者人可崇卑也名者人可毀譽也道也者不以崇  
崇不以卑卑不以毀毀不以譽譽

世人眼淺欲速見小燒茆作低銀取快一嘗運用於  
九轉七返火候縮手不敢承當正爲少千載志不  
肯買純陽真丹耳

古之不入俗久矣求合於古則必拂于俗而闕歠媚  
于俗者且將得罪于古故士君子寧受多口之憎  
而偏偏尙受於千載之上歠後可以對越天地而  
無愧

學者所患在志向弗專不在才力弗足目不兩視而  
明耳不兩聽而聰耳目非無聰明也二用之則其  
才必眩入悅仁義出而有紛華之誘焉是兩聰兩  
視之類也語曰賁育之狐疑不如童子之必至賁  
育之視童子懸矣而狐疑反不逮焉其果繇志耶  
繇才耶

見可欲而亂只是此志不堅好仁者無以尙之何畏  
乎聲色

善學者與古人相較量則日覺奮勵若與流俗相較

量則不免頽塌古人出門如賓使民如祭自家因何怠弛古人聞義必徙不善必改自家因何退縮古人欲立立人欲達達人自家因何不相關

鄉愿獨爲聖門痛斥者以其似忠信廉潔無可舉無可刺最能惑衆亦易自安故衆皆悅之悞人也自以爲是悞已也孟子指出闖然媚世處是率佗破腸洗癢妙手聖門只顧明命順帝則故善者好之不善者惡之光光明明潔潔爭爭何嘗有一毫彌縫

吾儕學不得力只是起脚一步未曾真切潔淨有愛人道好的念便是要譽有怕人說不好的念便是惡聲有求知於人的念便是納交若此者日救孺子於井猶於純王殊科矧念頭紛雜則多少容隱多少因循又安能一一以救孺子耶

仁者人也是聖門提出做人的正脉人要做人便須仁以爲己任方可頂天履地立三才之壺否則無惻隱羞惡之心便近於禽獸古人教人學做聖人學者却有推避處若只教人學做人如何推避得

眼卉利鈍如花卉隨榮隨落一切毀譽如鴉鵲遞鳴  
遞歇真於性分無干涉性分上濶畧故於外物上  
醲醲耳

堯舜之道不外孝弟曰而已矣者竭盡無餘之詞歟  
宗族稱孝鄉黨稱弟不免爲士之次此正學脈入  
微處卽如王祥之孝動冰鯉感幕雀歟擬諸堯舜  
畢竟異科故令尹子文可謂忠陳文子可謂清而  
皆不許其仁此是不著不察於良知未瑩徹

虛談虛見未可爲知德學者尙能辨之至聞善必行



告過必喜亦勇矣而獨箴以知德者鮮善從聞來  
過從告來非降衷靈明自克自訟故中庸弗失不  
善必知德性用事天運川流始爲知幾始爲知止  
始爲行著習察致良知之傳

問兼善獨善之辨曰吾儕須識取善字本體卽工夫  
始有歸宿進廢境界卽不能移

謀道謀食事異而功同講說不可以謀食聞見不可  
以謀食思索不可以謀食無智愚信之至於謀道  
乃倚是三者爲功而弗踐其實是畫餅而克饑也

學者不識自家德性故痛癢漠然曰憂曰樂向外馳  
逐舉不得其正義是德性本來安宅必須搬居故  
曰徙不善是德性錯走路頭必須走轉故曰改若  
人拋家捐產輾轉流離安得不憂

問顏子竭才如何曰天之降才非顏子獨異也使顏  
子才異於蒸民則蒸民不能學顏子之學矣昔遊  
廬山觀瀑布甚壯數日後山巔僧引以灌田圃遂  
微吾儕精神命脉於詞章註述才藝事功多少漏  
泄雄與世情嗜慾有間其不能竭一也故曰用志

不分乃疑於神顏子欲罷不能是何等精專  
有苦閒思雜念者因詰之曰汝自思閒却惡閒思汝  
自念雜却惡雜念譬諸你自醉酒却惡酒醉

王仲大常學仙學佛復相從問聖學曰二氏之學皆  
從心性上用工夫立在玄妙中不似聖學平平坦  
坦在人倫庶物內精鍊故佛自是佛作用仙自是  
仙作用汝只一雙脚如何踏得三條路須收攝精  
神歸一始得

問子夏小德出入之旨曰此正子夏悟後語當其未

悟肯只在小德上點檢必信必果硜硜小家當故  
夫子以小人儒箴之及其悟也從大德上點檢而  
千變萬化皆是先立其大故曰大德敦化小德川  
流出入正是川流意思

戒愼恐懼之功命名雖同而血脉各異戒懼於事識  
事而不識念戒懼於念識念而不識本體本體戒  
懼不覩不聞帝規帝矩常虛常靈則冲漠無朕未  
應非先萬象森然已應非後念慮事爲一以貫之  
是爲全生全歸仁孝之至

討論想像原是虛套如鏡中觀花雖奩分明畢竟不  
到手

上蔡先生曰邇來學者何足道能言真如鸚鵡鸚鵡  
能言不離禽鳥學不以誠而競以詞說騰者將不  
淪於禽鳥乎夫學以入於聖賢也而或以淪於禽  
鳥是則可畏也已

世俗通病只認得有才能有勲業有著述的聖人不  
認得箇無才能無勲業無著述的聖人江門之詩  
曰却憐夜半齎雙睫早爲人間了六經六經之了

繼往開來而反憐之何也程門謂唐虞事業自堯  
舜視之不過一點浮雲過大虛假使舜不遇四岳  
之薦終於耕稼陶漁以老焉其將不得爲天地萬  
物一體乎大宰以多能爲聖而子貢言又以兼之  
夫子猶恐其起學者之病既學做聖人又須學做  
多能故喫緊以療之曰君子多乎哉不多也今之  
學士大夫果能信其不多而無疑乎果能視唐虞  
事業如浮雲乎果能以夜半了六經爲憐乎  
須臾有息便非良知本體

億中之敏若善射覆者十發而九中然猶不免於億也屢空者若置覆洞然心目無俟推測而得矣夫子之在春秋也從游者三千速肖者七十矣而猶有莫我知之嘆嘆夫以言求之而眩其真也夫子既沒門弟子欲以所事夫子者事有子夷攷其取于有子亦曰甚矣其言之似夫子也則下學上達之功其著且察者鮮矣推尊之詞要亦未足以及之賢於堯舜堯舜未易賢也走獸之於麟飛鳥之於鳳雖勉而企之其道無繇不幾於絕德乎禮樂

之等最爲近之然猶自聞見而求終不若秋陽江漢直悟本體爲簡易而切實也

學者未能實見吾性本體故外物得失妄加欣戚試使見得吾頭真則或以軒冕或以箚笠而頭之本體未嘗加損也見得吾腳真則或以赤鳥或以敝屣而腳之本體未嘗加損也

善學者須反觀內獎直求本體果無所障則亦臨亦保亦式亦入方是兢兢業業純亦不已一派源流大學之教在明明德下明字是本體上明字是工夫



非有所添也做不得工夫不是本體合不得本體  
不是工夫

良知之本體譬諸日然一塵入之精明自眩若以金  
屑玉屑入之病與塵等故情欲者塵之累也意見  
者金屑玉屑之累也

人少則慕父母赤子之心也慕少艾慕妻子慕君而  
熱中此之謂失其本心大孝終身慕父母不失其  
赤子之心者也

程門所云善惡皆天理只過不及處便是惡正欲學

者察見天則不容一毫加損加損雖一毫終不免  
踰矩此正研幾脉絡

此學不受世態黷汚不待博聞克拓不用億中測度  
不在枝節檢點不可意氣承擔亦不藉著述繼往  
間來凡有倚着便涉聲臭

心中紛擾只是將迎之累若能肯肯喫顧見在工夫  
如臨深履薄卽閑思雜慮自不能容常因行路肯  
悟得此病若回頭看過去路及仰面探未來路脚  
下便不免錯跌

良知本體原自精明故命之曰覺原自真實故命之曰誠原自警惕故命之曰敬曰戒懼不須打併不須攙和而工夫本體通一無二更無生熟先後之可言

仰觀於天確然常運矣俯察於地賸然常流矣內省於良知昭然常虛常靈矣日入虞淵未嘗不照水渚澄潭未嘗不流心遇閒靜未嘗不知故慎獨之學通晝夜

默而識之是不厭不倦宗旨學者以此爲學誨人者

以此爲誨非別有所學有所誨者

我飽而人以爲饑何損於飽我饑而人以爲飽何益  
於饑吾輩自反之學只求自飽而已矣

與諸生論牛山之木一章因詰問誰爲斧斤誰爲牛  
羊有以聲色貨利對者先生曰此公劉大王與王  
之具而可咎耶有以妻子貨財對者先生曰操井  
臼承宗祀此吾孝養之資而可咎耶有以斧斤牛  
羊其咎在已對者先生欣然曰我不爲斧斤誰爲  
斧斤我不爲牛羊誰爲牛羊

孟子千辛萬苦爭箇性善正是直指本體使學者安  
身立命自成自道更無寬解躲避去處中間種種  
過惡皆是自欺自畫原不是性中帶來其在醫家  
直所謂頂門一針矣夫目之分皂白心之別是非  
其精明一也離婁之明非有加於目也能不失其  
本明而已矣堯舜者性中之離婁也萬古此天地  
則萬古此甘萬古此目則萬古此明故堯舜皆可  
爲文王皆可師直是無可疑者

龍以無欲爲神人以無欲爲聖欲也者非謂世味之

參也倚聞見上思索摹事功稍以人力增損便不免適莫故億中之敏不如屢空之愚

有明有暗則猶二之也無明無暗是謂至明至明則一矣

孔子何等天縱又十五便志于學然忘食忘憂未嘗少懈觀其自責自修曰不敢不勉不敢盡連說不敢字是何等警惕何等敬畏吾儕之學只是一敢字便壞了若能以不敢爲心常戒常懼常若對越神明何學不成

自天子至於庶人一是皆有中和一是皆有位育中和不在戒懼外只是喜怒哀樂大公順應處位育不在中和外只是大公順應與君臣父子交接處人倫庶物日與吾相接無一刻離得故庸德之行庸言之謹兢兢不肯放過如織絲者絲絲入筥無一絲可斷乃是經綸大經

天行常健而不已聖學常強而不息健是大盞之自然強是真性之自然邇來學者以因循爲平等以嚴密爲過當於古人戒懼瑟僖幾若畏物恐非自

歿宗旨

亦足以發此正顏子不惰不違處諸子進見請問皆  
動靜語默皆不是虛過了只是退省時不免間斷  
顏子不可及正在亦字上文王之德之純正在亦  
臨亦保故須叟不離始是修道之要

天道無停機故元亨利貞以皆行而萬物生良知無  
停機故仁義中正以皆出而萬化成知天人之無  
停機可與語惜陰矣戒慎不覩恐懼不聞通乎晝  
夜靈光瑩徹雖造次顛沛不可離乃能無惡於志



而令德於天若須臾玩愒生機便遏塞不論忿悻  
好樂舉非天德不論親愛賤惡舉非王道於以發  
育萬物峻極于天是駕燕而別越也行者赴家不  
計燕越餐風沐雨繼日待旦誰肯停擔半途寄食  
逆旅而驚然自以爲活計者

知至至之始可與幾知終終之始可與存義知而不  
至至而不終是幾失而義弗集也與不知者等故  
知事親從兄而弗太乃爲智之實而擇乎中庸不  
能朞月守則與納咎獲陷穽均爲不智

慎獨之義聖門於大學中庸皆揭此二字此是最切要處看來慎字從心從真天命流行物與無妄無不具這箇真人能戒慎恐懼顧諟明命便是朴朴實實見在工夫使一毫未真便自欺自欺卽是大病故嘗語同志曰除却自欺便無病除却慎獨便無學

道以中和爲至學以中和爲的能者以學力融氣習則智與不欲異質也咸可以成人不能者以氣習困學力則仁與剛美德也猶不免於有蔽故自易

其偏自至其中廼是聖門相傳禮樂教學之矩  
戒愼恐懼之學不放縱亦不拘迫放則忘拘則助曰  
其所不覩不聞其字當深玩正指性命本體曰不  
可須臾離離則過不及矣

東石王子論近來人講學多論本體於問物成務似  
少實用曰體用只一原權能知輕重度能知長短  
吾儕只怕權度不精何患輕重長短不能審別只  
今事親從兄和族睦鄉親師取友一一皆實用東  
石子曰古人問物成務實用須講求得定庶當局

昔不失着目某常看棋譜局局皆奇只是印我心  
體之變動不居若執定成局亦受用不得緣下了  
二三十季棋不曾遇得一局棋譜後此二三十季  
亦當如是空記棋譜何補不如專心致志勿思鴻  
鵠勿援弓矢盡自家精神隨機應變只方是權度  
在我運用不窮

懲忿窒慾德之修也聖門講學以修德爲命脈德性  
是吾心之生理惻隱羞惡辭讓是非是生理中脈  
絡流出何嘗有忿與慾來忿是辭讓之反慾是羞

惡之反能懲能窒便是從義便是收不善若止矯飾於事爲而不能融釋於心體終非入德之途居處能恭執事能敬與人能忠肯肯不肯放過這工夫方精若有肯勉勵有肯怠惰何處如之

大學言好惡中庸言喜怒哀樂論語言悅樂不愠舍自家性情更無用功處

吾輩不及古人只是少却瑟僖二字古以嚴密今以疎淺古以武毅今以怠緩如何得三百三千流貫周匝

順逆境界只是晴雨出處節度只是語默此中縈爭無往不縈爭此中粘帶無往非粘帶

古之君子虛已取善下及芻蕘浩浩乎若滄海之納百川百川日夜宗之而不能外

象山先生曰天下若無着實師受不是恣情縱慾便是各執已見盲哉其言之也師受箴砭不肯着實則勸善而未純規過而未爭故卑者滯情慾高者倚意見雖清濁有差而障道則均

古之人學不厭知天地之爲父母也其教不倦知四

海之爲同胞也父母全而生之吾其可以自述自  
襲以辱降衷乎四海皆兄弟吾其可以自私自畫  
舉不中不才而棄之乎世之君子孰不願學也俄  
而厭孰不願教也俄而倦非降才殊也彼其視天  
地也甚大而視四海也甚踈其志隘故其操揉其  
操揉故其功憊夫焉能以尙于中行

往歲侍陽明先師于虔王巴山自廣歸見忍咳與談  
談劇復咳咳止復談客退請其故曰是定山壻有  
文學後輩所歸若轉得巴山則六合之士皆可轉

矣乃知仁人以萬物爲一體惟恐一人不獲盡其性便是自家盡性工夫若稍涉因循則痛癢便不切矣

責難於君爲恭謂君不能爲賊萬世事君之律令責難於受爲恭謂受不能爲賊萬世受之律令古者君臣朋受之樂章以示周行爲好我而以鹿鳴起興鹿得美草必呦呦呼同類共食之人得周行而弗公於同類將爲鹿所哂矣

古人爲政具在方策居敬行簡乃是第一義果能出



門如見大賓使民如承大祭則精神凝定志氣清  
明必不至妄撻一人必不至輕決一事必不至偏  
聽一言必不至重押一票必不至久淹一囚事上  
使下從前先後交左交右若舟之有舵裏外應手  
若馬之有御緩急從心中間種種病症皆以輕忽  
之心乘之耳

自處飽煖而不恤人之饑寒自圖安佚而坐視人之  
顛危此惟無惻隱之心者能之故不仁則以隣爲  
壑仁則以推溝爲已任

實身如玉者可與事親憂國如家者可與報主愛士  
卒如赤子者可與用三軍

問明明德於天下曰世儒說是盍高遠事聖門只說  
是日用事所惡於上德之本明也母以使下則明  
明德於下矣所惡於下德之本明也母以事上則  
明明德於上矣所惡於前後左右德之本明也母  
以先後從前而交左右則明明德於前後左右矣  
堯之克明峻德光被四表格於上下只是六合之  
內皆日月貞明容光必燭自天子至於庶人位有

尊卑而工夫更無二矩

問道器之別曰聖門提出最分曉形而上者謂之道形而下者謂之器盈天地皆形色也就其不可觀不可聞超然聲臭處指爲道就其可觀可聞體物不遺指爲器非二物也今人却以無形爲道有形爲器便是裂了宗旨喜怒哀樂卽形色也就其未發渾然不可觀聞指爲中就其發而中節燦然可觀聞指爲和今人却以無喜怒哀樂爲中有喜怒哀樂爲和如何得合一人若無喜怒哀樂則無情

除非是稿木死灰

問未發已發是一皆是一皆曰後儒只添一已字便是作二皆看了未發是發的主宰發而中節是未發的流貫更無先後喜之所喜者發矣而喜喜者未嘗發怒之所怒者發矣而怒怒者未嘗發寂感無二皆體用無二界觀諸天道當自得之四皆常行而行行者未嘗言百物常生而生生者未嘗言無言便是未發常行常生便是發而中節今若於常行常生處別求箇無言的皆節如何可得

問聖門弟子之教却先行而後知曰此正指點致良知命脉孩提知愛故常愛其親便是孝及長知敬故常敬其長便是弟以孝弟修諸辭便是庸言之謹以孝弟踐諸日用便是庸德之信愛親敬長不敢慢惡於人便是愛衆事賢孝仁以利其器便是親仁行有餘力以學文便是多識前言往行以畜其德非如今之學文用爲科第之媒

問良知良能蒸民所同受如何相懸隔曰靈明不障於欲則躡蹠之食行道之人未嘗講習討論而忍

死不肯受爲欲所障則公卿大夫何嘗不講習討  
論而萬鍾不辨禮義受之試驗諸目不障於塵則  
芻蕘可以辨皂白爲塵所障則離婁不免於易天  
壤

問變化氣質之功曰聖門教人口惡曰明日柔曰強  
何嘗不說氣質只是果能此道便是變化的訣竅  
反身而誠便是與天合德強恕而行便是與聖同  
歸孟子引在下位一章只收誠之者爲思誠何等  
緊切博學審問慎思明辨篤行五之字皆指誠說

問出入無肯莫知其鄉曰此正吾心神明不測本體  
其工夫只在操舍之微善學者戒懼以協天則則  
動靜皆有事無非肫肫不善學者縱怠以徇俗則  
動靜皆有欲無非憧憧故曰復亨出入無疾君子  
能由是路出入是門若以入爲是出爲不是是死  
却生機

問致良知之旨大學未嘗指出曰誠意一章指出一  
箇致良知的以爲恣指出一箇不能致良知的以  
爲戒何等分明平居爲不善至於無所不至則小

人之良知疑於泯滅無存矣而一見君子厭然自愧  
拚其不善而著其善夫不知善之可好也何爲而著之  
不知不善之可惡也何爲而拚之見其良知固在也而  
病未能致之耳使小人而能致其良知知善必爲無以  
尙之知不善必改不使加乎其身則幡然爲君子孰能禦  
焉故慎於獨知以超狂而入聖不是先師杜撰出來

問內外賓主之辯曰橫渠研之精矣自外而入曰至  
至猶是賓自內而出口不違不違乃是主顏子語



之不情退省是發正是不違仁實功然日至月至亦是閔冉以下人品其至處與不達同一境界故曰智及之

問戒慎工夫與誠意致知格物之旨同異何以別曰戒慎恐懼便是慎不視不聞莫見莫顯便是獨自戒懼之靈明無障便是致知自戒懼之流貫而無虧便是格物故先師云子思子撮一部大學作中庸首章聖學脈絡通一無二爭洗後世支離異同之窟正心是未發之中修身是發而中節之和天

地位萬物育是齊家治國平天下詞有詳畧工夫無詳畧

昔人以尚行尚言卜治亂之兆尚行者精神內熒熒  
惴然明庶物察人倫恐無以協天則也而不暇於  
虛談是以合敬合愛率天下於周行尚言者精神  
外馳惴惴然驚辨博工揣度恐無以徵策名也而  
不暇於實踐是以遺親後君率天下於畧莽故善  
學者當研機以全其歸善政者當運機以定其趨  
慎獨正是思誠工夫慎字從心從真獨知精明戒懼

常存不肯以一毫私偽障吾本體日用人倫庶物  
須臾勿離方是真心方謂之慎獨誠意致知格物  
皆是一件事

行遠自邇登高自卑學問之功必從實地上做起非  
懸空超脫可入實地工夫只從孝弟真切處學下  
文引詩及孔子之言正指孝弟之實只在翁兄弟  
和夫婦以順父母之心從此克拓將去便是中和  
位育之道下文承以鬼神之德者明孝弟之道通  
於神明齋明盛服正是恂慤威儀脈絡非誠於孝

弟者不能故曰誠之不可掩下章以大舜武周之  
孝乃是指出生通於神明的格式郊社宗廟運天下  
於掌更不在仁孝之外孝經通神明光四表無思  
不服一章與此互相發明正好玩味

學問之意孝學在存天理一有私欲卽去之自戒自  
懼顧說明命正是聖門相傳兢兢脉絡故一日二  
日萬幾可以親九族平章百姓協和萬邦往季子  
與周順之切磋夢與同志講學一厨子在旁切肉  
一用力甚快一猶升其几以刀逐之旋復切肉如故

因指語同座曰使厨子只用心逐猫猫則去矣如  
何得肉待客明日語順之欣然有省

天性與氣質更無二件人此身都是氣質用事目之  
能視耳之能聽口之能言手足之能持行皆是氣  
質天性從此處流行先師有曰惻隱之心氣質之  
性也正與孟子形色天性同旨其謂浩然之氣塞  
天地配道義氣質與天性一滾出來如何說得論  
性不論氣後儒說兩件反更不明除却氣質何處  
求天地之性

二爻論孺子入井一謂怵惕惻隱是指出本體一謂常人雖是本體却與聖人的本體有間爭論未已  
皆方對月指而諭之曰滿天一雲障露出一隙月  
光不可謂非本體然與萬里無雲全體光明自當  
不同知一隙之爲本體則學問可以入頭矣知全  
體未透之爲有間則學問可以進步矣

先師有訓孔門志學便是志不踰矩之學其揭上帝  
降衷之蘊羣聖執中之脉乎矩也者天然自有之  
中卽所謂良知卽所謂至善加焉則過損焉則不

及不及與過雖異科其踰矩均也故天下可均爵  
祿可辭白刃可蹈而依乎中庸爲難不識不知順  
帝之則此正文王不踰矩學脈不識者非無識也  
不知者非無知也所識所知一於天則一毫聲色  
不以逆其間有所歆羨便是作好有所畔援便是  
作惡故曰帝謂文王又曰文王陟降在帝左右此  
與孔門知天命知我其天一揆禪與繼異矣而與  
賢與子皆曰天征伐與禪繼又異矣而曰予畏上  
帝曰予弗順天厥罪惟均古之人游衍出王無非

此學敦典庸禮命德討罪皆從天敘天秩天命天討中來不敢以人爲加損其間

聖門之學心學也心也者理氣渾然者也動以天曰道心無聲無臭天機勃然動以人曰人心作好作惡紛然有不安處孺子入井而惻惕率性之道也納交要譽惡其聲三者有一焉則雜以人矣簞食蹕蹴而弗受率性之道也宮室妻子窮乏得我三者有一焉則雜以人矣惟精者慮道心之不一而或雜也惟一者一於道心也常精常一足爲允執



厥中立之爲大本經綸之爲大經

良知純粹至善如止水湛然而萬象畢照吾儕能戒  
懼勿離以復其初雖傾壘注盜無往不清明若雜  
以渣滓未能潔淨雖暫肯寧靜面上亦堪狀可觀  
一撼搖之渾濁紛然出來

良心虛靈晝夜不息與天同運與川同流故必有事  
焉無分於動靜若分動靜而學則交換肯須有接  
續雖妙手不能措巧元公謂靜而無靜動而無動  
其善發良心之神乎

學者不立真志以小成自安縱勤持守終欠著察不  
修實行以虛遠自驚縱精擬議終無所歸宿故庸  
德之行庸言之謹以慥慥爲準一毫不敢放過方  
是聖門全生全歸相傳傳約正脈

學者從明德本明處肯肯克拓如火熾泉達真機勃  
勃平日氣稟偏重俗態膠固猛自克治不敢輕易  
放過方是致良知朴朴實實課程不落虛見浮說  
先師提出致良知三字貫徹顯體用而一之其詩曰  
不離日用常行內直造先天未畫前體物不遺而

不見不聞也曰無聲無臭獨知皆此是乾坤萬有  
基不見不聞而體物不遺也世之傳者往往裂之  
攀方效圓踐履可觀矣行而不著習而不察其蔽  
也支揉立測與性命窺矣高不自卑遠不自邇其  
蔽也虛故下學上達聖門有莫我知之嘆學是學  
箇甚麼達是達箇甚麼須是自戒自懼顧諟帝則  
勿尙口說勿落測度反躬而浚造之庶其弗畔矣  
乎

天下之道二誠與僞而已矣天下之學術二言與行

而已矣庸德之信庸言之謹皆措於子臣弟爰相  
顧而慥慥是聖門之規矩較率也言弗謹則無物  
行弗信則無常將奚以拔於凡民故曰視其所以  
式謹式信顯明無愆矣而是中隱微未能潔淨焉  
不免於義襲故曰觀其所由由裏而發明物察倫  
而一簣或虧焉猶爲大德累故曰察其所安于焉  
自考于焉考人則其旋弗旋吉弗吉明於觀火矣  
淵用工夫只從心體上點檢使精明呈露勿以意必  
障之如日月之照樓臺殿閣糞壤汗渠境狀萬變

順應如一稍有障礙卽與掃除雖欲頃刻息之而  
不可得古人所以造次於是顛沛於是正欲完此  
常步之體耳

鄒氏學脈卷之一終

鄒氏學脈卷之二

頴泉先生要語

門人艾而康述

學者真見得萬物皆脩於我則反而求之於吾身可  
一也人倫庶物一刻與吾不相離肯肯強盡吾明察  
之功卽肯肯是希舜功課

學者真有必求爲聖人之心則卽此必求一念是作  
聖之基也猛自奮迅一躍躍出頓覺此身迥異塵  
寰豈非千載一快哉

饑食渴飲煖葛寒裘順其則而行之便是道作焉者

在山之激也息焉者下流之淤也激與淤均之謂廢天職

世謂聖人未可至矧舍聖人而學猶學射而無的將何所命中乎外此便是自小自小卽自棄有志者舍聖人無學也

明道先生自謂作字肯甚敬非是要字好只此是學此孔門參前倚衡意終食造次顛沛無間方可言肯習方是無須更之離

橫渠教人令留意神化二字所存者神便能所過者

化私吝盡無自渾是道理卽所過自朕化矣此是  
關中性性物物宗旨

和靖問伊川如何是道曰行處是或以問明道令於  
君臣父子兄弟夫婦朋友上求此是孔門庸德庸  
言慥慥一派的脉

和靖謂敬有甚形影只收斂身心便是主一如人到  
神祠中致敬皆其心收斂更着不得毫髮事非主  
一而何此最得濂洛一脉

晦菴謂近看孟子見人便道性善稱堯舜此是第一



義若於此看得透信得及直下便是聖賢便無人  
欲之私做得病痛旨哉

學莫要於識仁仁人心也吾人天與之初純是一團  
天理後來種種嗜欲種種思慮雜而壞之須是默  
坐澄心久久體認方能自見要面子曰默而識之  
識是識何物謂之默則不靠聞見不倚知識不藉  
講論不涉想像方是孔門宗旨方能不厭不倦是  
故必識此體而後操存涵養始有着落

學莫切於敦行仁豈是一箇虛理禮儀三百威儀三

千無一事而非仁也。知事外無仁，仁體皆皆流貫。則日用之間大而人倫，不敢以不察小而廢物，不敢以不明人何管一息離，却倫物則安可一息離。却體仁之功一息離，便非仁，便不可以語人矣。顏子視聽言動一毫不雜，以非禮正是皆皆敦行，皆皆善事，吾心。

視聽思慮動作皆天也。人但於其中要識得真與妄耳。此明道先生指點人識真處，不識真雖妄起亦不覺事，皆人爲也。終與天隔，終非入聖之途。

學者今日無可添只有可減減盡便無事此伊川先生示人歸一之要惟日務於減則精神凝聚一處而工夫自覺省力

有志於學者都更不論氣之美惡只看志如何匹夫不可奪志惟患不能堅勇橫渠先生此言欲人先樹根本無根本培養個甚

孔子只十五歲肯便斷肱以聖人爲志志字最有力要如饑渴之於飲食纔悠悠便是志不立夫孔子何等膚質尙緊切如此考亭斯語聞之盡當猛省

舍已從人最是難事已者我之所有雖痛舍之猶懼  
守已固而後人輕也明道先生斯言卽顏子若虛  
若無之心也以此取善德何爲而不進

忠信乃進德基本無忠信則如在虛空中行德何以  
進龜山示人以立基之要學者聞之當向內力求  
尙何虛談虛見之務哉

謝上蔡曰人不可與不勝已者處鈍滯了人蓋直諒  
多聞皆於已有助若與不勝者處則自覺有餘其  
日損無疑學者可不深思

先儒謂學成於靜此因人馳於紛擾而欲其收歛之意若究其壺則所謂不睹不聞主靜之靜乃吾心之真本不對動而言也卽周子所謂一程子所謂定皆有動靜兩心無動靜乃真靜也若肯而靜存肯而動察乃後儒分析之說細玩子在川上章可自見矣

改過貴於勇過不改終身不得爲無過之人能改是翻小人爲君子在於瞬息之間然不勇終是悠悠終不得爲君子勇則中自憤發縱平日習重質駁

亦自日見其消融矣。狀過亦未易言。孔子謂苟志於仁無惡也。若非有此真志。則終日縈縈皆是私意。安可以言過。倘惡在躬。尤當猛省。陽明夫子曰：「常見自己不是。是真藥石。吾人在霄壤間。百季有幾。可不猛省。以流於惡哉？」

取彖貴於虛。有盃盃之虛。自有盃盃之容。受有湖海之虛。自有湖海之容。受。顏子若無若虛。非自知其已之有與實也。而故爲是。以來善真。見得自己一無所有。是以汲汲皇皇。求彖以自輔。若自視其有。

與實則訑訑之聲色拒人於千里外矣滄海所以  
能爲百谷王者以其虛也吾人取受當以顏子爲  
法

義利之辨乃舜黜趨避第一關夫子罕言利子長氏  
謂天下攘攘皆爲利往利誠亂之源也朕吾人在  
天地間自饗殮裘葛以至仰事俯育何嘗離得此  
但人只是懷私便己之念重所以終日縈縈如雞  
鶩朕無一毫趨朕物外意若能安於義命傳志分  
內則此身已自趨於千仞之上縱澡身潔行亦未

必至於東餒黎山先生鸞湖之會以喻義喻利由  
於所志所習有味哉其言之也先哲云一日之間  
朝堯夕蹠一念之微出堯入蹠中間更無駐足處  
吾人可不細審日所孳孳而忍置身於蹠之徒也  
哉

今之言知者不識其本良而誤以知識當之不盡致  
知之功而咎此知不足以盡學故學必竭盡良知  
之分量而後知始致所謂格物者又不識格字本  
義夫格之爲言正也會稽云所謂正者正其不正



以歸於正之正字今却必欲待其不正而後正之失其旨矣惟大人爲能格君心之非豈待其有非而後格之格其心使不至於不仁不義正程子所謂防未萌之欲故正者吾正之不正者吾卽去其不正以正之合而究之其義始全

學者之所趨必辨其端二氏雖皆以性命爲宗然其端自有毫釐之辨象山先生以經世出世別之亦就其異之可見者言之耳其微尙未析也近世多尙佛學以爲求道捷徑然不知彼固專求之內視

吾儒之攻摹擬尊格套者固有間然聖學無內外  
無精粗內與精且不可言况外與粗耶卽吾日用  
倫物間卽吾盡性至命處程子謂彼於敬以直內  
則有之而無義以方外要知敬義無二功卽所謂  
敬以直內亦未見其是至謂其滯固者入於枯槁  
疏通者歸於恣肆真洞燭其弊或謂今士大夫多  
溺之何也曰士大夫旣苦於肯義視經書爲梯筏  
偶觀佛書見其善解脫以爲彼得其內與精不知  
吾人爲舉業所縛以厭心視經書若肯放下舊習

以觀佛書之心細究論語周易而以心身默默體之則看一艮卦勝於讀一部楞嚴經易所謂天下何思何慮不獲其身不見其人不更純粹而光明耶舍堯舜周孔大道而旁趨於西竺異端可深惜哉

陽明先生指出良知之真體而談真體者或失則易以爲大陽當空仰窺隨在而目遷善改過爲第二義是知原天而忽承天之實功也自懲談真體之易也或失則難以爲雲霧四塞陽光隱蔽而欲直

求何思何慮之體非過高歟是知咎人而忘天錫  
之真機也程子曰學者先須識仁識得此體以誠  
敬存之而已存以誠而不使之間存以敬而不使  
之息此似不用功而實煞用功乃疑其專務此體  
其狀耶周子曰君子乾乾不息於誠狀必懲忿窒  
慾遷善改過而後至能實致其力於懲窒遷改而  
後剛健之體在我此似於落枝節而實不離根本  
乃疑其功靡協一其狀耶由前言之大禹之治水  
行其所無事也順水之性而非畧也由後言之大

禹之疏鑿決排而竭胼胝之勞者亦順水之性導  
之流而非拂也善乎曾子之擬夫子曰江漢以濯  
之秋陽以暴之皜皜乎不可尙已是真體真功合  
一無間

古云一命之士苟存心於愛物於人必有所濟而不  
悉指其事何也夫心猶樹之根也根固則枝榮暢  
茂花實繁美自有不容已者是以愛物之心存於  
中則當因而因雖值衝議裂夫之衝而思爲砥柱  
以造百季安靜之福此心爲之也當建而建雖值

衆論沮抑之多而思爲闢議以消四隅寇竊之計  
此心爲之也譬之主一室者其所以爲子孫垂久  
遠固藩垣自盡厥心而已而衆議之是我與否吾  
何暇與之計耶

夫子謂能見其過而內自訟者爲鮮蓋真能見過則  
卽能見吾原無過處真能自訟則常如對讞獄吏  
句句必求以自勝矣但人情物理不遠於吾身苟  
能反身求之又何齟齬困衡之多蓋已所不欲勿  
施於人則人我無間其順物之來而毋以逆應之

則物理有不隨語當者乎

格致之功乃曾子發明一貫之傳天下萬事萬物莫不原于吾之一心此處停妥不致叅和卽是大公之體以此隨事應之無所增損起滅卽是順應之流行矣動容貌出辭氣正顏色莫非以此貫之學道愛人孔門卽學卽政之宗旨也如保赤子一言尤當肯肯提揭以視福蒼生

夫處子在室未敢問人以育子之方而饑寒疾痛不待赤子言而自與赤子通者心誠故也此心而誠

卽吾不學不慮之真饑而預知其饑寒而預知其  
寒一體之愛周遍閑間居官者知所以全吾此心  
則所以待民者自無異於待赤子雖今世之民不  
免有饑智之巧狀其能言饑能言寒處其情又易  
達於赤子卽吾真心以求之則其情可通其偽亦  
自不容掩况斯民三代視上尤真吾之微處彼亦  
能洞悉之所患者吾不學不慮處易於淆雜耳一  
念之真天日可鑒將察情行政因地制宜妙用種  
種自有不言而喻者矣世所慮者上之人不易信



下之人不易孚而吾之性氣嗜好未易一一盡融  
不知一誠積久上下可通至於性氣之當消嗜好  
之當除苟知體炯狀消除又何難之有

所諭應事接物惟求本心安妥便行否雖達衆弗恤  
學能常常如是本心肯肯用事久之可造於誠世  
有以真實見美者吾因之以加勉有以迂濶見誚  
者吾不因之而稍改何也學所以求自信而已非  
爲人也狀所謂本心安妥更亦當有辨真無私心  
真無世界心乃爲本心從此妥妥乃爲真妥妥不

朕恐夾帶世情夾帶習見未可以語本心安妥也  
孔子一生只是下學上達視聽言動出門使民居處  
執事莫非求仁實功觀子見齊衰者與師冕見二  
章可見聖學無內外無隱顯一以貫之

文成夫子格致之功千古聖學的脉今世之談學者  
語知而非良語良知而不肯實用致知之功稍知  
致知爲宗而離却格物是以於天則所在至善所  
止反以爲礙而惟從佛氏求悟夫悟非從脩來終  
非下學上達之旨

今世之高明者數厭孔孟宗旨而求之佛書言悟而  
不言修似與下學上達脉絡相背馳夫論語一書  
專以求仁爲脉而其用力惟曰非禮勿視聽言動  
曰出門如見大賓使民如承大祭曰居處恭執事  
敬與人忠而孔子之自課惟曰子臣弟父之未能  
而於言行不敢盡不敢不勉而已至於肫肫慤慤  
之體卽在其中從事佛旨者不免有偏程伯子謂  
高明者流於恣肆謹厚者入於固陋旨哉其言之  
也

夫爲吾一身之主爲天地萬物之主孰有外於心所以握其主以主天地萬物孰有過於存心非我公反身體貼安能言之親切若此第存心莫先於識識心莫要於靜所謂心固不出乎腔子裏然退藏於密者此也彌滿於六合者亦此也所謂識固始於反觀默認然淨掃其塵念而自識其靈明之體可也識此靈明之呈露而不盪潑研窮以得其全體不可也所謂存固始於靜肯凝結然屋漏此操存之功也彖君子亦此操存之功也所謂靜亦有

二有以肯言者則動亦定靜亦定之動靜是也有以體言者則不對動說寂以宰感翕聚以宰發散無肯不疑結亦無肯不融釋所謂無欲故靜卽程門之定是也若曰有嗜靜處則能必其無厭動處而若曰常在裏面停停當當則方其在外肯又何者在裏面耶心者天下至神至靈者也存心者握其至神至靈以應天下之感者也苟認定吾靈明之相而未盡吾真體之全卽不能免在內在外之疑苟分存心與應務爲二肯卽不能免靜肯疑結

動皆費力之疑願公不以其所已得爲盡至而淺  
識此心之全體盡得存心之全功則自有煥然冰  
釋處矣子曰已欲立而立人已欲達而達人程子  
曰仁者渾然與物爲體語體也子曰君子無終食  
之間違仁造次必於是顛沛必於是程伯子曰識  
得此理以誠敬存之語功也識之真自存之久存  
之久則識愈真非有二也

孔門之學只有箇求仁是矣又曰求仁之方只在求  
放心似猶二之也仁人心也求仁亦卽求此心而

已矣求放心卽此心不放而已矣狀心未易識而  
求之之功亦未易盡也天與吾以至虛至靈之體  
本無欲也後來日染月壞念慮紛紛然妄矣惟默  
坐澄心爭掃一切妄念而自認其原來之真體真  
體既露肯肯操存事事操存意味綿邈自有不可  
須臾舍者故獨居研求此心此學也羣居切劘此  
心此學也簿書奔走此心此學也此卽夫子所謂  
造次顛沛必於是學不厭而教不倦者也狀未有  
不自默識入而能不厭不倦者

學不明諸心則行爲支明不見諸行則明爲虛明者  
明其所行也行者行其所明也故欲明孝德非超  
悟乎孝之理已也真竭吾之所以事父者而後孝  
之德以明欲明弟德非超悟乎弟之理已也真盡  
吾之所以事兄者而後弟之德以明舜爲古今大  
聖亦惟曰明於庶物察於人倫舍人倫庶物無所  
用其明察矣若本吾之真心以陳說經史卽此陳  
說卽行其所明也安可以爲逐物本吾之真心以  
習禮講小學卽此講習卽行其所明也安可以爲



末藝歟今世所謂明心者不過悟其影響解其字義耳果超果神者誰歟若能神解超識則自不離日用常行矣故下學上達原非二省分之卽不可以語達卽不可以語學故曰吾無行而不與二三子者是丘也作與語固爲行止與默亦爲行人一曰何省可離行耶行本重然實不在明之外也

所謂將來學問只須慎獨不須防檢而既往愆尤習心未退當何以處之夫吾之獨處純然至一無可封待識得此獨而省省慎之又何愆尤能入習心

可發耶但吾輩習心有二有未能斷段其根而目前暫却者此病尙在獨處獨處受病又何慎之可言有既與之斷段而舊日熟境不覺竊發者于此處覺悟卽爲之掃蕩爲之廓清亦莫非慎之之功譬之醫家急治其標亦所以調攝元氣譬之治水雖加疏鑿決排亦莫非順水之性見獵有喜心正見程子用功密處非習心之不公也人一能之已百之人十能之已千之此正是困勉之功安可以爲着意但在本體上用雖困且若亦不可以言

防檢今世之防檢者亦有熟肯不可以其熟肯爲得操存之要何如何如程門慎獨之旨發於川上正是不舍晝夜之後非禮勿視聽言動肯肯在禮上用力卽慎獨也肯肯是禮肯肯無非禮安論境界試淺言之雖嚮晦宴息吾心亦惘然不昧吾耳目身口亦不能離又安有無視聽言動之肯雖在夢中有呼卽醒何嘗俱入於滅易所謂寂者指吾心之本體不動者言也非指閒靜之肯也工夫只是一箇故曰通乎晝夜之道而知在知處討分曉

不在境上生分別

永示元城之學力行七季而後成上蔡別程子數季始去一矜字何其難子曰欲仁而仁至又何其易切問也夫仁何物也心也心安在乎吾一肯無心不可以爲人則心在吾與生俱生者也求吾之與生俱生者安可以肯曰限試自驗之吾一念真切惟求復吾之真體則此欲仁一念已渾然仁體矣何有於妄何處覓矜無妄無矜非仁體而何至于力行之熟消融之盡則不能不假以歲月耳今高

明既信吾夫子欲仁仁至之語則卽此處求之足矣不必更於古人身上生疑斯善求仁矣

聖誠而已矣君子之希聖其惟誠之爲貴乎中庸揭不思而得不勉而中從容中道爲誠者之事旨哉其言之也夫此體不待思得不由勉中物與無妄渾然天成惟聖人爲能性其性所謂率性之道卽天也誠之者之所擇擇此也固執執此也外是則動以人非不待學慮之良矣是故達天道之真者其知誠之原乎求識此天真以盡入之道者其知

思誠之功乎

諸生知道之原乎率吾天命之性而罔或加損焉君  
仁而臣忠父慈而子孝兄愛而弟恭道也晨興而  
夕息饑食而渴飲燠葛而寒裘道也故曰五者天  
下之達道又曰優優大哉禮儀三百威儀三千順  
吾之則而不離誠者其安而至乎察吾之則而弗  
敢離誠之者其勉而至乎參以仁智之見與由之  
終身而弗悟者其不至於道均也

夷尹孔子均謂之聖而孟氏乃獨有所願何也攷門

人之記日子絕四母意母必母固母我其自言曰  
我則異於是無可無不可而孟子則以可仕可止  
可从可速歸之比是而觀則知夫子之心江漢秋  
陽皜皜一大虛體可不可無一毫繫乎其念故肯  
任而任何倚於任昔清而清何倚於清孟氏之願  
學非以此與今天下之人莫不皆有所願思積財  
者願在富思崇秩者願在貴狀願富者數求奇美  
而陶猗未可必願貴者矜名死權不能必趙孟之  
弗我奪何則願在外故也吾心有仲尼發憤至於

忘食頤孔亦孔也吾心有子與懼澤之斬而私淑  
之頤孟亦孟也陶猗弗能爲之阻趙孟弗能爲之  
奪豈非頤吾之所自有者哉夫自有而頤頤在我  
也自頤而學學在我也狀非昔習終不可以盡此  
學吾夫子食於少施氏而飽卽飲食習也而薇蒸  
之問末矣章甫逢掖襲諸地卽衣服習也而緇袍  
之誦止矣使擯執圭勃如矍如卽出入起居習也  
而郊勞致館之慎徒文矣故事無小大皆無動靜  
遇無順逆而一以是習之將學永而頤遂不期悅



而自悅而皜皜之真體完矣朋至斯樂肯行而行  
無意也人莫知而不愠肯違而違亦無意也以至  
一語一默一瞬一息卽此類具推之無遺矣斯學  
之成也肯中之盞也

舜大聖人也其用功緊要處只在明庶物察人倫二  
句吾人日用間何嘗一刻離得倫物常盡吾明察  
之功兢兢不敢放過卽此是明明德是格致實功  
不務於庸德庸言而期槌槌恐適燕而指粵可不  
慎哉

顏子好學處只在不遷不貳怒不以已而以物是此  
體常止而不爲怒遷志仁始無惡過而此體常一  
而不爲過貳方可謂之真好學或謂此顏子得力  
處曰得力處從用力處來舍下學而語上達是欲  
造千仞之臺從何處立基

乾以易知坤以簡能何等明白直截透澈研幾者工  
求所以復吾易簡之體也若厭易簡而別事深研  
恐未免有妙契疾書之弊使其果爲自得何謂不  
爾則忘之矣學者玩心釋典不若究神於易

周子謂聖可學乎而斷狀以爲可謂學有要乎而斷  
狀以爲有直指出一爲要而卽繼之曰一者無欲  
也欲盡則一之體復而靜虛動直明通公溥舉在  
其中矣故不從無欲而學終不足以達肫肫皜皜  
之脉

世之人重富貴而不知有超於富貴者慕功名而不  
知有超於功名者超乎二者之上道德是也道德  
有諸已則真見吾之至富至貴可愛可求之實得  
則行志若固有之不得則求志於我何損焉故君

子汲汲於道德者非惡富貴而厭功名也不爲一身之謀而念在于天下不爲一省之計而心存乎萬世謂之曰超然物表矣袁孫應試書此以勉之母忽道德而逐省好焉吾其慰矣

學問之道無他在識其本心而肯肯操習之本心者不學不慮之良也識得此體而於愛親敬長忠君信友以至於視聽言動之間事事不敢放過則其行習可稱著察朕此豈可易言哉有必爲聖人之志而後其識也習也自有不容已者矣

敘立誠錄

舉業與聖學同乎曰將無同聖學與舉業異乎曰烏  
乎異言顧行行顧言聖學也言不顧行行不顧言  
舉業之弊也然則將奈之何曰顧之而已矣顧之  
莫若立誠今世之舉業者每日顏何人哉晞之則  
是使如其言而修誠斯立矣言貴于晞而置吾身  
於晞顏之外非僞乎亦每日聖學不明人心陷溺  
使如其言而懼誠斯立矣慨天下之溺而不自知  
已淪胥于其中非僞乎此則誠僞幾微之辨也或

曰斯固舉業之必至也惟更之斯善矣曰善治水者不拂水之性善教人者不易人之業人所以爲人者心也心之精神惟所用之顧上之所好何如耳上好經義經義斯人也上好詞賦詞賦斯人也上好孝弟方正孝弟方正亦豈外斯人哉故上不令下易業令之易志而已若語泐之善室莫若鄉舉里選狀意非關雕麟趾亦徒泐耳烏能以端士習予校士東省方其未試進諸士而語之曰諸士之爲言勿予欺也自顧行而已矣乃觀其文無

詭于道又進而語之曰諸士之爲行勿自欺也恒  
顧其言而已矣言晞顏吾不敢怠言陷溺吾不敢  
蹈斯善居業以誠吾身以應

國家之求者乎故善學者修詞卽所以立誠不善  
學者雖修天爵亦所以滋僞茲拔六郡之文梓之  
合而名曰立誠錄諸士其顧于此而期慥慥焉孰  
謂居業之地非進德之基乎不朕亦徒言而已烏  
用梓以滋僞